


INTEGRA ET
PARTIBVS
nuda uenae

AB OMNIBVS
LIBER A C
cauae delineatio.



- hac proportione non cernat quam totius corporis superficiei sedem singula uenae perreperent. Quinetiam ex quinti, sexti & septimi librorum figuris facile constabit, cuiusmodi illae debeant esse effigies, quae cum uenis etiam partes quae illis implicantur oculis subiiciunt.
- A, A, A Tres isti characteres propaginem notant a uena caua ubi iecori adnascitur, in iecoris gibbum passim perquam numerosa ramorum serie sinistrorsum distributam. Alteram autem propaginem in dextram iecoris sedem similiter diffusam characteribus non insigniuimus, uti etiam nullas uenae cauae soboles, quae pariter utrinque habentur, & priuatim nihil in altero latere sibi uendicant, ne fortassis characterum copia delineationem obscuraremus. Vnde etiam dextrum latus potius quam sinistrum characteribus liberum conspicitur.
- a Huiusmodi etiam gracilior soboles a caua iecori sub grandibus illis propaginibus A indicatis digeritur.
- B Vena caua sedes inter iecoris gibbum & septum transversum consistens.
- C Sinistra propago duarum, quas caua septo offert, & a quibus etiam surculi in cordis inuolueru pertingunt.
- D Caue uenae orificium in dextrum cordis sinum pertinens. Optarim hic sedulo expenderes, uenerisq; cauae delineationem accurate contemplareris, consideraturus an ne uerius hoc orificium cauae uenae principium ueniat statuendum, an ea cauae pars ubi A & a in ipso caudice scriptum cernis, & ipsa uena secundum iecoris posteriora deorsum prorepat, cuius etiam gratia in dextrum latus incuruatur, tantum scilicet, quantum iecoris sedes, cui cauae caudex committitur, ad dextrum latus a uertebrae medio declinat.
- E Vena coronae modo cordis basin amplectens, ac deorsum per cordis substantiae exteriora ad ipsius usque mucronem surculos a se deriuas, & squamam seu coronalis nuncupata. Haec & si ab anteriori sede orificij uenae cauae hic oriri uideatur, perpetuo tamen quum simplex sit, a posteriori sede eius orificij pronascitur, uti in septima sexti libri figura ad G est cernere.
- F, F Vena coniugis exers, quae a cauae dextro latere prodiens, decliuis secundum dextrum uertebrae latus ad secundam fere lumborum uertebrae descendit.
- G, G Characteres isti hic atque illic ad uenae pari carentis latera repositi, uenae illius propagines insinuant, eas nimirum quae costarum offeruntur interuallis, ac postmodum in dorsalem medullam, & in musculos uertebrae ipsiusq; costis instratos, ac etiam membranas thoracis amplitudinem intersepientes, surculos promunt.
- H Caue sub pectoris ossis elatiori sede iuxta iugulum bipartito, quam lanij boues & porcos iugulaturi petunt.
- I Vena primae thoracis costae innixa, atque ad alam transversam perducta, brachijq; axillarem postquam aliquot propagines diffudit constituens.
- K Exilis uena in sui lateris aliquot superiorum costarum succingentem membranam soboles deriuas.
- L Vena sub pectoris ossis sinistro latere ad abdominis usque superiora descendens, ramosq; uerarum costarum cartilaginum interuallis, ac demum thoracem intersepienti sui lateris membranae, ac etiam musculis pectori instratis, & abdominis cuti ramos exhibens. Praecipuum autem ramum sub recto abdominis musculo dispergit, qui supra umbilicum in aliquot finiens surculos, alterius
- M. uenae ab imo sursum ascendens, ac T notanda terminos respicit, ea nimirum sede, ubi M ascriptus.
- N, N Vena per foramina transversis processibus uertebrae ceruicis insculpta, ad caluariam prorepans, ac dorsali medullae geniculatim ramos offerens, ut & in musculos quoque inibi ceruici uertebrae adnatos, soboles dispensat. Qua uero ratione haec uena in duram cerebri membranam exauriatur, etiam si hanc hic quoque delineare conatus sim, in peculiari de cerebri uasis figura decimoquarto Capiti praeposenda non minus discies, quam reliquarum caluariam petentium uenarum seriem.
- O Vena musculis humiliorum ceruicis, & superiorem thoracis sedem iuxta uertebrae occupantibus, multiplici utcumq; sobole exporrecta.
- P Vena ad musculos pectori instratos, & huius regionis cutem, & ipsam demum mamillam excurrentem.

Q Vena